



UNIVERSITÄTS-
BIBLIOTHEK
PADERBORN

Stavrologia Coloniensis

Gelenius, Aegidius

[Coloniae Agrippinae?], [ca. 1636]

XXXVI. † Campensis.

[urn:nbn:de:hbz:466:1-64564](https://nbn-resolving.org/urn:nbn:de:hbz:466:1-64564)

Reli- iusdem B. V. vsq; ad octauam, per circulum an-
 quia B. ni, omnibus Christi fidelibus ad predictum
 V. in Monasterium dicto modo accedentibus, vel
 Diet- mittentibus, charitatis intuitu, eandem indul-
 kirchē. gentiam duximus concedendam. In cuius rei te-
 stimonium & perpetuam firmitatem presen-
 tes litteras exinde conscriptas, sigillo nostro fe-
 cimus roborari, Actum, & datum Bonne An-
 no Domini millesimo ducentesimo nonagesimo
 primo pridie Kaleudas Aprilis.

XXXVI. ✠
 CAMPENSIS.

ORdo Cistertiensis, à singulari in
 Dominicam Passionem affectu
 celebratur, cuius Ordinis insignis pro-
 motor atque illustrator S. Bernardus,
 sub annū 1149. Coloniensibus sacram
 Crucis militiam, verbo & miraculis per-
 suasit. Idem pingi consuevit cum Cruce
 & reliquis amaræ Passionis armis, quasi
 cum myrrhæ fasciculo cordi adpresso.
 Neque abs re: tanto enim tamq; tene-
 ro Crucifixum Dominum amore com-
 plectebatur, vt lignea etiam Christi ex
 Cruce pendentis imago, hunc amoris
 æstum

æstum perſentiſcens , & flammam ex
 flamma, motumq; ex motu concipiens,
 inter brachia Bernardum collegerit.
 Cuius ſanè incendium hîc ingens fue-
 rit neceſſe eſt, cum lignum hoc aridum
 Saluatoris flammis in corde iam conce-
 ptis ad motum denique fuerit. Sed uti
 amoris, ita etiam indignationis æſtu, i-
 dem Crucis lignum concitari poſſe, ex-
 pertus didicit, ſenſitq; eiufdem Ordinis
 Religioſus, cui iam omnes ad pietatem
 ſenſus prope occalluerant. Hunc enim
 ad pſalmodias, ceu puerum ad nutricis
 nēnias obdormientem, ita non brachiis
 ſed manibus excepit Crux Veteris Cam-
 pi, ut eterno tandem ſopore caput incli-
 naret; rem B. Cæſarius Heiſterbacenſis
 Anno 1222. narrat lib. 4. Illuſtrium mi-
 raculorum cap. 38. *Vix ſunt duo, inquit,
 meſes elapſi, quod Dominus Abbas Campenſis
 retulit nobis de Monacho quodam, qui ſemper
 in Choro ſolebat dormire, rem terribilem valde:
 Nocte quadam, cum ex more dormiret, aliis
 pſallentibus, Crucifixus ex Altari venit, dormi-
 tantem excitauit, & tanto cum niſu maxillam
 eius percuffit, ut intra tertium diem more-
 retur.*

Crucifi-
 xus Ber-
 nardū
 ample-
 xatur.

Crucifi-
 xus ſo-
 cordens
 Mona-
 chum
 cedit.